

CHINESE - JAPANESE LIBRARY OF  
HARVARD - YENCHING INSTITUTE  
47 HARVARD UNIVERSITY  
FEB 3 1941

T 3210/3530.7/7

寧誌備攷卷九

當湖鈍叟趙維寰輯

名儒 九之一

千寶字令升鹽官人一曰臨安人一曰其先上蔡人父瑩為丹陽丞因徙家鹽官寶起家著作郎累官散騎常侍其生平建豎鮮所攷鏡而獨富于著撰自搜神記以外著晉紀二十卷尤留意京房夏侯等傳有左氏春秋左氏義外傳又註周易周官凡數十篇蓋其學雖博而尤精于經術云餘詳談

哈佛大學漢和  
圖書館珍藏印

子外志○嘉興志云寶海鹽人父曰干瑩吳散騎  
常侍墓在海鹽治西南四十里○按外志有干慶  
曰寶之兄干朴干元顯曰寶之後皆無事實宜附  
見于寶傳不特書

吳夢非曰楊萬里偶談晉于寶一吏取禮部韻  
書干字下註晉有干寶以進曰乃干寶非于也  
楊大喜以為一字師然攷宋板晉書文選俱作  
于及搜神記周禮註亦俱作于無稱干者胡承  
之以為字畫相沿之誤而取干于書為證按春

秋有干犖後漢有干吉寶豈其後耶然漢亦有  
于定國焉知寶非其後也陸法玄廣韻止引干  
犖而不及寶何法成晉書稱寶撰晉紀而不及  
干子恐未可據 余謂魯魚亥豕自昔為然即  
漢干吉今本有鐫于吉者又安知于定國之非  
干定國也干而于之于而干之存而不論可爾  
戚袞字公文鹽官人大建末年卒 見圖按談子外  
志袞少受三禮起家秀茂以周禮禮記顓門對策  
高第歷事梁武帝簡文又從國子博士宋懷芳質

寧詩傳卷九  
儀禮懷芳沒盡得其遺書仕太學博士累官江州  
長史他建豎無所見而獨以著述行世所著禮記  
義凡四十卷或亦古高堂伏生之流云○按邑志  
齊有戚顯梁有戚霸註云霸顯之子袞霸之子皆  
存其名而無事實宜附見袞傳  
顧越字允南一曰思南鹽官人所居新坂黃崗家  
世業儒並顓門教授有鄉校經見圖○越仕陳以官  
僚未盡時彥宣帝有奪嫡之意疏言太子天下本  
宜養善春宮而輔弼凝丞未極其選如文宗學府

廉潔正人當使晨遊夕論則非僻無從而入廢帝  
立晉黃門侍郎見嘉興志○按邑志越幼承家學于書  
無所不讀外志亦云越徧綜經旨尤精毛詩善莊  
歷事梁陳間領五經博士卒官太常掌儀禮所著  
喪禮毛詩孝經論語老子等義疏凡四十餘卷蓋  
戚衮一流人物也邑志有顧道望曰越之祖有顧  
仲成曰越之父但存其名而無事實宜附見越傳  
施德操字彥執監官人學有淵源其說主孟子力  
排釋氏嘗謂孟子有大功四道性善明浩然之氣

寧誌傳卷九  
三  
闕楊墨黜五霸而尊三王與張子韶同時交善學者稱持正先生語詳郡邑志外志

楊璿字子平監官人與施德操同時以講明道學相唱和其學生謹獨學者稱為謹獨先生語詳郡邑志外志○按子平彥執蓋皆聞子韶之風而興起者邑令魏伯珣並祠之學宮刑部尚書程大昌作祠記稱曰三先生意二人當日聲望幾與子韶相仲伯宜鄉人士之至今景行也  
董湮字復宗一字子濤隱居好古初嗜吟與海內

詩人諸名家如吳下沈啓南關西孫太初閩人鄭繼之輩相賡和流連山水至終日長嘯而忘返年六十七忽銳心聖學聞王伯安先生講道稽山輒徒步往從之游盡棄其學學焉遂號從吾道人志所好也臨没自吟曰我非汙世中者儔偶來七十七春秋自知此去無些染一道天泉月自流郡志載湮有割產贍貧兄燔券惠貧友鄔魯事○湮子穀舉正德丙子鄉試以仕不遂拂袖歸嘗從其父游王新建之門稱高弟穀每喜陶靖節形影神釋

寧誌備攷 卷九  
之句悟蘇文忠水月不變之旨所著有碧里四存  
前後集其性論一篇幾入新建之室云澧穀俱詳  
邑志外志

董淞字子士博學嗜古薄制義不畜弘治中嘗以  
薦詣闕上書萬言敷陳王道天子命試禮部罷歸  
或勸之俸塗意殊不屑作書謝之有浮雲自去來  
難應鴻都詔語以好行德家日落室人交謫夷如  
所著有聖學全書真儒蓋語紫陽正脉等書若干  
卷藏于家

文人

閨秀附 〇 九之二

顧况字逋翁鹽官人性超曠不以仕宦屑意在至  
德時詩文擅名與白居易皇甫湜諸人相唱和有  
集二十卷語詳邑志及外志 嘉興志云况海鹽  
人居橫山善屬文工畫至德二載進士與柳渾遊  
東政不舉况又與李泌善泌相亦不舉久之稍遷  
著作郎為有司所排貶饒州司戶累歲脫縻無復  
北意結廬茅山號華陽真逸壽九十卒有集十五  
卷皇甫湜序之此與外志所載微異

寧誌傳錄 卷九  
顧非熊况子也性穎敏一覽成誦好辯說以氣焰  
凌轢人故為時所抑久不第而名愈籍朝野重之  
長慶中放榜仍下第穆宗素聞非熊名怪問所司  
詔進所試文親覽乃追榜勅賜及第大中中歷旰  
昭尉慕父風隱茅山其所著有妙女傳記宣州崔  
氏婢女得仙事而語多幻怪見唐人小說或傳飛  
熊得長生術云○按志于况曰至德二載進士于  
非熊曰追榜賜及第則况父子皆進士矣乃郡志  
進士科于唐止載顏真卿而不及况父子外志亦

止載况而不及非熊豈偶佚其名與抑別有說耶  
姑存其疑以俟論世者

楊均宋咸淳間人工文詞令吳由修海昌圖經均  
實秉筆書成十卷又為著先賢錄以表彰邑先輩  
之名蹟雙廟侑祭樂章亦均所作也詞載圖經不  
具錄

郎曄字晦之游張子韶先生之門稱高足其所撰  
著有橫浦心傳日新錄諸書或謂曄曰君系與侍  
郎郎簡同譜曄曰吾家世白屋豈得妄扳華胄其

貞正如此淳熙十四年以特奏名起家郭一曰

胡奎字虛白洪武初奎嘗以薦為府教授其學博

極羣籍而尤長于五七言今讀其望湖亭北上行

諸篇大有竒致雖仕不顯非風塵中人也詩詳邑

志外志不具錄錄其未備者于遺咏一曰奎遇異

人稱斗南先生

朱祚字永年晚號默齋先在洪武中有神童之目

起家楷書科試事詹事府歷永熙宣三朝皆以詞

賦被賞累官翰林修撰尚寶少卿有雪崖集行于

世子裡嘗隨父謁宣宗于南城齋宮因命從學文

華殿博極群書被薦官中書舍人餘詳 邑志

蘓平字秉衡號雪溪其弟正字秉直號雲壑兄弟

皆以詩文著時吳下有十才子平正咸與焉平在

永樂間以賢良方正薦不就放情山水所著有雪

溪集正所著有雲壑集海鹽張寧為作碑記住郭

店今郭店蘇氏即其裔云餘詳 邑志

周敬字尚敬醇謹有學行嘗與孫大參璋同薦賢

良方正辭不赴酷嗜吟詠所著澹齋迂叟稿唐詩



選脉藏于家

此下四條皆談仲木記

沈祐字天用築室紫硤山下藥欄花塢頗有幽勝時為古衣冠徜徉其間與同社陳勾溪朱西村董蘿石輩杖笠相從嘲弄風月致瀟如也所著有純樸園稿藏于家

朱象衡字朗初侍御有孚之子僑居樵李為郡諸生厭時習好吟詠聞歷下瑯琊之學盛行于世心殊好之自秦漢以下諸體俱備一時詞人如歐禎伯殷無美屠長卿王百谷輩皆極推許所著有春

雨編行世

沈一鳴字平叔家甚貧少失學私從里師口熟之長而教授里中以介特聞人勿善也鄉貴人有所造請時為規之游道遂不振性喜繪事里塾之暇輒解衣磅礴或為聲詩所著有秋吟草○春閨○夢斷愁難斷春歸人未歸去年雙燕子依舊入簾飛○田家女○自分田家女來歸游冶郎欲隨郎意好新學畫眉長○山中日日在中山山路應熟長吟無賞音題滿山中竹○山寒易搖落一

寧誌傳列 卷九  
日雨聲中雜取階前葉聽來自不同○紅芍藥○  
牡丹開盡見紅妝畫倚迴欄日正長疑似漢宮春  
宴罷美人三五醉瑠床

附閨秀

朱氏靜庵光澤教諭周汝航濟之妻也尚寶卿雪  
巖公次女太僕丞淡庵公女弟自幼聰慧博覽群  
籍尤精五七言有靜庵集行于世識者謂其學識  
純正詞氣和平得風人溫厚之體享年八袞以壽  
考終真女中文儒閨門全福云其游仙懷古諸作

載邑志外志

逸民

附先民○九之三

顧黯字長孺鹽官人先嘗為散騎郎已與同郡顧  
歡並堅隱操齊武帝永明中與歡同被徵俱不就  
朱世卿鹽官人其隱蹟無可攷獨武林山有別墅  
題云隱士鹽官朱世卿之別墅

張天雨字伯雨宋文忠公九成裔早棄妻子隱于  
黃冠丰神秀挺見者知為方外高士工書善詩文  
益竒古與吳興趙孟頫浦楊城載蜀郡虞集豫章

寧誌備錄 卷九  
揭溪斯清江范曄金華黃潛諸人遊互相賡唱晚  
年屏居修茅山志自號句曲外史葬武林西山成  
化間人有坎其土者腦破復合疑為仙蛻云  
董鎮字仲貞博通經術有用世之志本家海鹽值  
元亂隱于寧之錢山錢山一泉每夜靜月明輒登山劃  
然長嘯或悲歌慷慨歸即閉戶高臥有慕其名者  
扣戶謁之相對危坐終日不出一語人以為不可  
測○按邑志列天雨于方伎列鎮于流寓夫天雨  
以工詩文善書而局之方伎是松雪虞揭諸公

皆伎流也寧本出自海鹽錢山與鹽接壤且志  
云鎮遺業尚在而謂流寓可乎外志皆列隱逸  
似為得之而方伎猶存天雨至併魯公橫浦逋  
翁而伎之益愈不倫矣

朱景仁字

缺

居家孝友特聞更為德千元季

之亂四方衣冠之士避地至者景仁悉延納之推  
衣食與同甘苦屢徵不就自號貞白道人  
許瀚字達夫性拓落不喜拘檢童子時以穎敏能  
文為觀察楊公繼宗所賞因脫父于庀長補諸生

寧談備錄 卷九  
貢入太學判永州非其好也未幾輒棄官歸買山  
結廬日縱酒醜詩以樂死

張洙字文東幼有異質日誦數千言詞彩絢爛嘉  
靖辛卯舉于鄉時尚未冠藩臬大臣皆禮其廬然  
介介自守絕不肯干一牘至廢著償負以是家益  
落初為諸生時與童漢臣方九叙交善已二人皆  
顯仕憫洙窶處時有餉饋辭不獲即治具召其人  
至與共盡之不盡不止抗志守高澹然塵外竟以  
阨窮卒世所著有窮居集漢臣鐫行之

唐俞字聖言博雅工詩翰多深湛之思阮中丞鶚  
督浙學時檄曰海寧唐俞不求聞達人也而學精  
博操履淡泊與明月清風高山大川相游行因大  
書逸士表其閭所著有審山樵漫草門人郭舜舉  
為之序

談仲  
木記

附先民

陳景宏洪武中以儒士薦官辰州府通判  
陳公壽洪武中以人才薦官西安府知府  
沈伯祥洪武中以人才薦官安慶府同知

寧遠傳 卷九  
俞辰永樂初以人才薦官廣州府同知  
夏子謙永樂初起家邑椽官大理寺左評事  
祝洪字汝淵性醇謹不苟取予喜吟詠其舉動一  
稟于渾樸以子萃貴封刑部主事祀鄉賢  
查益博學多聞不苟言笑設教鄉閭多所成就焉  
以子約貴封奉政大夫祀鄉賢  
查繪生有至性事繼母能得其懽撫訓仲弟庭幃  
無間庶幾一鄉之善士祀鄉賢  
陳中漸郡諸生也性個倘不為曲謹豪飲好施與

宗戚處無所忤吝以子貴貶贈祀鄉賢

董載雅志樂善平心率物居恒義方訓子嘗仕藩  
府王以嚴見憚歸老清溪足不履城市鄉評重之  
曹方履繩蹈矩好禮輕財邑志列之良民邑有旌  
善亭所鐫榜方與名焉

潘茂賢字希聖身本庶生而事嫡母孝養尤篤凡  
可悅母意者不惜盡力致之博學能詩然謙抑甚  
空空如也邑志與曹方同傳並稱良民  
孫節字時儉參政暉之元孫也確守門風清白無

寧謫備錄 卷九  
玷雖近城市而足跡不入公府壽滿百歲屢舉鄉  
飲一切辭不赴稱人瑞云士大夫贈詩文甚夥因  
彙為期頤集

或曰自陳辰州以下暨諸封公皆哀然軒冕而  
子槩之以民得無不倫乎余曰不然民一耳而  
先民異凡士之敦古誼越流俗者始得稱先民  
吾正虞諸君子以軒冕故溷時趨急欲得其生  
平證焉而不少概見方惴惴諛墓是懼奈何薄  
先民也

獨行 附懿行○九之四

獨行<sup>者</sup>不藉扶掖不緣慙憑孤立一意以直行其  
是即鬼神猶避其銳焉而外志所載似以尋常  
飲食之事當之溺其旨矣余故首列天性篤摯  
者十人而稍差次其餘以為之附或曰丈夫女  
子彙為一傳非古也余曰女子而丈夫則丈夫  
之余先列朱靜庵于文人矣復何疑

周阿二周小三周阿九三人兄弟也未嘗學問惟  
共竭力耕田養母母俞氏適病甚計無復之二與

寧誌傳 卷九  
三各剝肝調羹以進以進九則通體鈎燈以禱于  
神母疾遂瘳時稱一門三孝子○按三子皆宋時  
人惜其年次無攷  
葉文榮海甯所軍餘也性勇而戇孝友天植弟文  
龍醉毆殺人官司訊服其母日悲泣不食文榮痛  
弟復慮母之以弟故病也一日辭其母曰兒年長  
幸有後願代弟死遂詣官暴殺人狀皆由己官遂  
釋弟文榮坐法此與坡公所傳狄武襄事殆無異  
云年次亦無攷

吳烈女慶真靈泉鄉吳初女也甫笄許字何謙謙  
故邑令何得舉孫女未歸而謙卒遂不御膏鉛介  
然有終身意父母憐其少覲奪之慶真號慟求死  
議遂寢父母繼沒慶真益哀毀做服垢容絕跡戶  
外兄嫂欲易其志密令宗姻曲諭慶真即破鏡自  
矢兄嫂無如何則析居別食以恐之慶真遂依幼  
弟景輝紡績自度八年如一日弘治丁巳冬謙且  
葬舅姑先期報聞慶真乃具牲醴偕兄若弟往哭  
奠決計且殉一夕自盡者三姑覺嚴防止之晨即

遺返既至輒闔寢室自縊時年二十有八舅為殮  
尸合葬焉縣令易秦為之贊載邑志事疑在永宣間  
居氏貞娥呂詢妻也詢自幼病風癩絕不省生人  
事娥歸詢未幾而詢死姑迫之他圖語氣甚激貞  
娥不為動乃出之北鄉田舍蓋難之也娥即奉詢  
柩如田間日夜紡織以自給里母憐之謂曰寒餓  
稿死荒野沈寥誰知之者娥泣失聲曰吾命則然  
義不走第二條路終殉呂生地耳自是苑苑枯  
守歷困悴三十年而卒許杞山先生為之傳曰書

呂詢妻而復曰居貞娥者何有家妻道也業有家  
矣猶處室焉娥之貞云爾蓋呂生故癡迷名夫婦  
而無其事故云

諶氏宋建炎時楊由義母也由義父奉直以軍前  
正將扈駕南渡留杭未幾虜寇杭由義攜母及幼  
妹避鹽官虜騎踵至諶謂由義由汝父必死國我  
當死夫遂乘間抱女投運河死

陳氏貢士徐睨妻也嘉靖丙辰島夷入境陳謂睨  
曰事急矣吾誼不辱若若急携兒走時季女三妹



年未及笄亦悟遽起投河氏拂然袖絕裾抱女並  
沈河死越三日然得其尸時方盛暑神色不變然  
藁葬之是日晴空皎烈而陰雲覆葬所者幾半日  
抵家復有庭蘓變竹嚴醢比水之異識者謂為陳  
氏母子之應云事聞督學郡邑為旌其節

董涓妻虞氏名源源少慧知書年十六歸涓裁兩  
月而涓得暴疾強死源慟幾絕至刻木為涓像事  
之茹荼苦者幾五十年而卒許杞山為之傳云仲  
由結纓王蠋伏劍概之虜廷十九年不屈之臣等

臣節耳而子卿險艱倍什伯節婦亦云悲夫源善  
詩有諸題詠載外志

十香亭馬節婦庠士馬鍾英妻許氏也歸鍾英五  
年舉一子裁二十日而鍾英以病革節婦攀號欲  
絕者屢聞呱呱聲強拄淚已復哭母器哭舅姑旦暮  
頂禮西方課兒子成立蓋茹荼苦者凡三十三年  
而卒節婦弟令典為上其事于朝疏言氏手書十  
香誦一香一祝手書思親記一字一淚行道聞之  
無不心惻蓋言言實錄云節婦嘗構斗室于閣名

十香亭每拈香為十祝一天二地三日月水土四  
 君王五父母六公姑七八七夫九孤兒十後胤故  
 學士先生俱稱十香亭馬節婦

外史氏曰余纂獨行傳至節婦虞源借題詠見  
 志未嘗不悲其志之苦而嘉其才之雋也及讀  
 十香誦覺切實肫懇裨益闡教殆有進乎菊竹  
 諸篇者焉是足以風矣馬生源孝靜重悖嚴不  
 妄言笑其得于母教者深乎○按上十人或起  
 農家或由軍伍或生閨閣非有詩書講解之資

師友切磨之助也乃其信心獨徃直可以砥柱  
 乾坤激揚千古此之謂真獨行

附懿行

褚文奎

里人頗解書義嘗應童子試不售訓

蒙里中以養母母得疾勢劇莫可救文奎乃避妻  
 子夜禱于天潛操刀剗左股為羹以進母啜而少  
 間然已不可為矣談子悲其志作詩紀之 見外志

朱俊妻董氏歸朱三載而俊歿水漿不入口者久  
 之宗戚苦勸動以存孤乃強起飲食然晝夜哭聲

不絕行道哀之編修戴大賓作長短句以悲其志  
當俊沒時兒鑑裁踰歲董能撫之成立鑑卒能上  
母節于當道旌其閭編修題句載外志

范福貞邑人朱銓妻也銓亡福貞截髮自誓冰霜  
凜然弘治十七年以節旌吳門王渙為作剪髮賦  
賦見外志

董氏淑真士人朱士廉妻也年裁二十四而士廉  
卒氏守節不二以撫藐孤洪武中被旌

孫氏農家女生元季適同邑杜保二生子方晬而

保二卒矢志不二至正十九年旌其閭○按郡志  
宮室門寧有杜節婦孫氏者元迄國朝兩被旌  
表士大夫為顏其堂曰貞節堂吉水解縉撰記堂  
記今皆無攷

郭彥昭妻孫氏孫敏女也彥昭以名醫赴召氏偕  
往而彥昭沒于京氏走三千里扶柩歸時年二十  
七耳姑欲奪其志為截髮自矢終身不易正統十  
三年旌敏寧十三都人

李氏毛頴妻嘉靖十三年頴故李時年二十三生

子鳳章甫週歲李號慟不欲生姑曲諭少解遂絕  
去華飾足不越戶晝撫嬰兒夜紡績以供姑舅其  
教子卓有成立守志四十餘年而終事聞臺院累  
被旌揚 見郡志

孫經農家子父早歿與其弟緯躬耕養母母有一  
疾甚怪非藥餌能療但思食一物隨得隨起稍遲  
即劇二子乃竭力營辦備諸品以俟一日病作思  
蝦羹二子即輟田事徧求諸市不得正跼蹐忽于  
水際見水動二子競解衣入水求之徑得巨蝦數

尾急調羹以進而母病已人咸異之

鄠氏沈鉉妻年二十八而鉉沒父憫其年少欲更  
之氏義不二守之終其身洪武十七年旌

金氏楊宗文妻也年二十九而宗文歿氏守志不  
易茹苦終其身宣德間被旌

周氏祝守昇妻也少孤養于外家及笄歸守昇故  
壁立授經餬口亡何守昇卒蓋歸祝才四閱月聚  
首不終月氏矢志靡他手織社以撫遺子茹苦終  
其身 談仲木記

賈氏庠士祝湍妻也歸祝甫三年而湍以攻苦得疾不起婦矢志不二成化二十三年旌

查模妻王氏模亡守節不二弘治十七年旌

郁成妻施氏成亡砥節自誓以沒世正德元年旌

朱璋妻章氏生子裁八月而璋死氏慟將以身殉

姑曲諭以存孤乃忍死守志茹苦四十年而卒子

孝廉衣仕為湘潭令章所教也

朱氏朱小渠女祝以旃妻也旃力學而貧以試不

售感憤沉河死朱年纔二十一翁姑促嫁之矢志

不奪因迫令歸母家茹荼苦甘焉每挈壺餐哭夫

于墓如是者四十年而卒宗人少司空時在南都

傳其事一時名流皆作詩詠之

朱少梅記

諸生周東妻吳氏生子裁踰歲而東卒吳氏年裁

十八矢志自守奉舅姑以禮即人子弗如人稱節

孝

談輔妻徐氏談擁厚貲尋夭徐血誠守志莊肅持

家家以不替隆慶時許今天贈旌其閭

談子外志

諸生俞履禎妻朱氏年十八而履禎歿無子氏隻

影自憐矢志四十年如一日

談子外志

孫率祖妻馬氏率祖天氏裁十七撫遺孤復天又  
撫其孫克成立亢節五十餘年而卒輿論難之華亭  
董太史其昌為之贊贊云玢璜為飾幽蘭為佩玉  
之潔不可涅蘭之馨不可絕斯與古今之卓婦壽  
母垂嬪則而稱女宗者同根而共節雖君王築臺  
猶非其所屑又何有于官司之棹楔蓋貞婦未亡  
時有議上其事于有司者貞婦正色謝絕故云錢  
生汝俸記

嚴

缺缺

妻

缺

勵志守節萬曆間監坊以旌曰冰清

玉潔

見談子外志

董謙故素封也親喪廬墓以孝聞成化中旌其門  
余按廬墓事孝子所侈談自有生子隧道中為  
名賢所詬黜者而其事始不足重謙故素封空  
山寥寂抑有所為自適者與余故傳懿行而以  
是終焉

義俠

九之五

賈銘字文鼎元季以貲雄海上為萬戶長性好客

能振人之急有劇孟郭解之風一時名士如胡隆  
成鮑恂輩咸歸之劉伯溫未遇時亦客其家蓋有  
意于銘也久之知其無成乃為擇葬地于尖山之  
麓曰令汝家世橫金與國終始後銘二子果以汗  
馬功並襲世指揮于河南臨山二衛銘壽百有六  
歲一日晝寢夢更緋衣策雄騎而西道逢一女子  
輿飾侍從甚盛出拜曰妾自月宮來送彭祖殯前  
新塚即彭墓也語畢驚寤而伯溫適緘壽山福海  
圖為銘壽門者持入銘讀其題詞有商郊葬彭祖

嫦娥寄消息等句銘喟然曰夢與詩符吾將逝矣  
越三日卒其事詞詳外志

費用中黃崗里人也富而好施負俠氣先是邑有  
學田以贍貧士蓋張橫浦先生後裔所捐追贈賜  
田也然未裕有夏泰亨者與用中語用中欣然割  
私田百畝籍之學無吝色邑自入元士未有與計  
偕者及是至正己亥賓興用中二子祥麟祥鳳俱  
中式人以為尚義之報云見夏泰亨新田記  
董慧字如魯富好行德景泰甲戌歲饑輸穀四百

石成化癸巳海決民流又輸六百石丁酉大饑又輸千石有司例授以承事郎力辭強之冠帶乃又輸千石以為荒備其他置義田葺文廟掩骼建橋諸事未易枚舉章楓山先生為表其墓

徐義字彥宜性精敏能積能散成化十三年海決歲祲死徙載道義為作糜餈之日給數百人如是者八閱月是秋大獲乃止全活不可勝計子寬後登進士楊文懿公守趾為志其事于墓銘

周輦字尚行善治生讀陶朱公傳三致千金而散

之為之慨慕晚年積貲數千每出以周族黨賑鄰戚人有貸假者無所吝或厚員之一笑而已嘗自言吾生平養身無縱欲之疾作家無越分之費與人無求勝之忤處世無自作之孽及大耄營高敞地為生壙許雲邨先生志之壽幾百歲

徐軒字叔明性任俠不問家人生產喜賓客流連觴詠竟日怡如入太學傾動一時名士尤喜賑貸有厚員者置之若忘絕不色忤也嘗宿武林湖上聞一丐者日夜號不輟乃獨身蚤起持一金予之



不令人知其陰行德都類是子維揚繪觀俱領鄉  
薦人以為冥報云 談仲木記

流寓

九之六

楊由義字宜之家世開封建炎初由義父以軍前  
正將扈駕南渡未幾虜寇杭由義奉母妹避地益  
官虜騎踵至母妹俱以節死由義被執事燒褐主  
郎君郎君解衣衣之日見四太子兀术夫婦由義  
私念母妹既死父捍敵于外未知存亡何惜一死  
不為天復仇乃裂小紙數十書某官子某藏之

柱隙將懷刃以刺四酋惟求一匕首不得從所親  
小番借用番令畫地為樣詰欲何為由義詭對次  
日隨至轅門則不得入矣虜縱火自餘杭銜舟以  
東道經秀州義遂宵遁尋復為他虜所得詰由義  
所從來義以實對因俾義行前大呼燒褐山人舟  
已無及則置義他舟是夜復逃得脫既抵杭則其  
父適以督軍還自富陽父子大慟為母妹成葬禮  
遂家于益官由義幼時頗從事學問久之遂與漕  
薦丰度俊偉詞翰典麗館于賢士大夫之門者凡

二十年晦庵朱熹亦其弟子也後調臨安酒正以  
課羨轉修武郎特差犒賞兩浙酒庫隆興和好成  
虜求唐鄧海泗之地時盧仲賢使北辱命由義請  
行至虜營元帥強之拜由義曰本朝見宰相無拜  
禮此膝詎易屈虜怒械系之月餘守節益堅竟完  
璧歸孝宗嘉歎以義嘗試春官特易文階累遷太  
府卿兼刑部侍郎卒于甯  
見圖經註云此由義  
子蘄春太守所記餘  
詳邑志及談子外志  
凌景夏本餘杭人政和中以從無垢先生學徒步

鹽官紹興癸丑即登先生榜第二累官吏部尚書  
今亞魁坊即其寓處也生平載餘杭志

汪應辰字聖錫本信州玉山人少受知於喻樗知  
張九成賢問之樗得其詳乃至寧從九成學學益  
進紹興五年進士第一秦檜力主和議應辰疏上  
爭之云和議不諧非所患諧矣而因循無備之可  
畏異議不息非所患息矣而上下相蒙之可畏檜  
惡之遂乞祠歸時九成謫邵州交游皆絕應辰獨  
時時通問九成喪父言者方交攻而應辰獨千里

赴弔人皆危之浩然弗顧也有全傳載宋史餘詳  
邑志

趙汝諲其先開封人太宗皇帝漢王元佐下節度  
使仲邁之子名士隆者即汝諲祖也士隆死李成  
之難甚烈子六人死于難者三事聞高宗歎悼官  
其二<sup>孫</sup>人孫而汝諲以孝宗乾道七年來丞鹽官因  
家焉○按圖經載王沆而獨詳王稟事載汝諲而  
獨詳士隆事蓋皆因孫而及其祖識沆諲所自來  
也士隆圖經曰士開邑志曰士龍皆悞隆字景瞻

景瞻名士隆見宋史

木待問字蘊之本永嘉人隆興元年廷對第一以  
宦遊嘗息于寧後卜居城南遂名其里曰仁賢里  
餘詳外志

鄒世聞本登之黃縣人以世襲百世調戍海寧與  
管民官共理鹽灶有德于寧灶語詳邑志會張氏  
陷<sup>浙</sup>西元官多從逆者公切齒後遂屏居峽石鎮元  
亡不食死其妻李氏亦以知禮聞  
貢師泰字道甫本宣城人初舉茂才累國史院編

寧波府志 卷九  
修會修宋遼金史忤當事出為嘉興府治中上下  
憚其廉明歷官兩浙運使戶部尚書轉運南北會  
海上多警遂留甯寓湖塘村之朱鎡家為鎡子講  
學謝肅胡奎皆其友也所居里命曰小桃源卒葬  
湖塘村南其族子友初嘗從師泰僑寓錢塘詩才  
清麗有送戴伯貞還廣西一律為時稱賞師泰履  
歷詳邑志外志

劉伯溫名基本處之青田人未遇時嘗來遊寧寓  
黃灣賈氏語載賈銘傳其自黃灣返于杭道經鹽

官許村皆有詩詩載邑志外志其縱遊西湖見紫  
雲起西北識真主受命己當為之輔疑即此時云  
何得舉閩之晉江人洪武初登進士任海甯令已  
政成乞休致遂卜居雙仁巷終焉墓在西門外孫  
謙即所聘吳烈女者事詳外志邑志

林文貴台黃岩之騎兵也從千戶呂忠征姚源賊  
于開化賊猝至忠既力戰死衆遂奔潰文貴厲聲  
曰奈何負主將遂大呼直前挺鎗刺賊賊擁衆擒  
之脅使降貴怒罵曰我是朝廷命軍豈肯從賊賊

怒甚縛之樹罵不絕口剖腹剝腸而死邑人董濬  
作古風一章以弔之詳外志○按邑志外志俱列  
文貴于寧與龔瑾呂忠並余謂忠生長黃岩其死  
也又在開化獨一時徵發屬忠部下耳于甯固風  
馬牛不相及也獨其死事之烈不減睢陽常山有  
必不容埋沒者列之流寓庶為得之

方伎

九之七

魯之茂海甯人號雪村善畫梅竹宋寧宗朝仕為  
郎一曰之茂海鹽人

宋鎮海甯人洪武三十年以明天文召入欽天監  
授博士遷挈壺正

郭昭乾宋南渡時人嘗遇異僧畫一牡丹遺之初  
不甚珍藏既久發視之花瓣中隱隱有字讀之皆  
古醫方也大異之遂按方試以療疾無不奇驗後  
又聚藥煉為丹俄見爐上有花若牡丹狀丹成如  
黍珠用以活人即濱死者皆起自是郭氏醫傾郡  
邑傳三世有仲敬者能以方起宋宗篤疾御賜  
葬地二十畝在靈隱寺之陰併賜國姓遂有趙郭

寧誌  
里之號 郭濬記

王賓生員善楷書永樂六年以楷書被徵授中書舍人遷禮部郎中

許性生員善楷書永樂六年與王賓同被徵授贛州府同知遷刑部郎中

宋徽即挈壺正宗鎮子明天文五行之學正統間陰欽天監保章正纂捷法素書以便後進奏休咎屢驗賞賚特優

周煇邑諸生不知何時人能畫竹石尤工蒲萄氣

空言作

卷

第





